

Att: **Assartuussineq pillugu Isumalioqatigiissitaq**

Fra: Eqimattat 2

Jacky Simoud / Blue ice Explorer

12.02.2010

Takornariaqarnerup tungaaniit uatsinnut ersarilluinnarpoq, Kalaallit Nunaata kujataani Danmark aamma Island aqqusaarlugu tikittartut ingerlaannassappata Imapik ikaarlugu mittarfik pigineqaannartariaqartoq. Kvanøfjeld-imi aatsitassarsiorfissarsuarmik ammaaso-qassappat, aamma nunanit marluusunit taakkunannga ilaasunut , aammalu ammaanerup kingunerisaanik nassiussanut amerlasoorsuusussanut toqqaannartumik attaveqarnissaq pisariaqarpoq...

Isumaga malillugu qulimiguulinnut S61-inut akisuunut taarsiullugu, aammalu Namminersorlutik Oqartussanit tapiissutaasartut atorunnaarsinniarlugit Kalaallit Nunaata kujataani mittarfiit naatsut, timmisartunit 19-inik ilaasoqarsinnaasunit miffigineqarsinnaasut sanaartorneqartariaqarput. Taamatut timmisartuussisalernikkut ingerlatsinermi sipaagassarpasuit saniatigut timmisartuutileqatigiiffiit namminersortut ammaanneqassapput, taamaalillunilu unammillertoqalissalluni...

Narsami aatsitassarsiorfik piviusunngussappat, Narsamiit Narsarsuarmut aqquserniornissaq ajunngilaq.

Imaatigut assartuineq pillugu

Blue Ice Kalaallit Nunaata kujataani Qaqortoq aamma Narsarsuaq aallaavigalugit imaatigut angallassisuuvoq. Iseritavut tamaasa takornarianit pissarsiarisarpavut, aammalu aasaanerani angallassisarnerup avataani attartortitsilluta angallassisarnitsigut pissarsiarisarlugit. Illoqarfiit nunaqarfiillu akornanni aalajangersimasumik angallassisinnaannginnitsinnut ajornartorsiuterput annerpaaq tassaavoq, Air Greenlandimut kiffartuunneqarnissamik isumaqatigiissutit, timmisartunut ilaasut 50%-inik akiliisarnissaannut tunngaviusut pissutigalugit assigiimmik atugassaqaartinneqannginnerput, taamaalillutalu akigititavut qulimiguulinnut unammillersinnaasimanngillat!!! Aanalu ajornerpaaq; angallasseriaatsimi maanna atorneqartumi Namminersorlutik Oqartussat Kalaallit Nunaata kujataani qulimiguulinnut tapiissutaat takornarianit iluaqutigineqarluarput!! Isumaqarpunga aasaanerani tikeraartartut 50%-iisa tamatigut qulimiguulimmik angallassineq akikitsoq atorluartaraat, tamatumalu kingunerisaanik uagut namminersortuusugut angallassisunit ikittuinnarnit saaffigineqartarpugut, assersuutigalugu qulimiguulinni inissaarukkaangat aatsaat Kalaallit Nunaanni Angalatsitsivimmit (Air Greenlandimit pigineqartumit) saaffigineqartarluta.

Taamatut naligiinngitsumik unammilleqatigiinnermi ilaasoqarnissamut akuerineqartunik angallataatillit isumatusaartumik niuernissaminnik ineriartortitsisinnaanngillat!!

Timmisartunut 19-inik ilaasoqarsinnaasunik mittarfinnik ujaraaqqanik qallikkanik/naatsunik, tapiissutitaqanngitsumik ingerlanneqarsinnaasunik sanaartornissaq tunisassiaasinnaavoq pitsaalluinnartoq, naligiimmik unammillerfiusinnaammat aammalu sullitat assartuutit arlaannik atuinissaq toqqarsinnaammassuk.

Kalaallit Nunaata isorpiaa, tassungalu ilanngullugit Nanortalik Tasermiullu Kangerluat nunaatsinni ornikkumaneqartorujussuusarput, ajoraluartumilli akit angalanissamullu periarfisat amerlanerpaat kissaatiminnik naammassinninnissaannut akornusiisarput. Kalaallit Nunaata kujataani timmisartut minnerit, 19-it tikillugit ilaasoqarsinnaasut atorlugit timmisartuussisarnissaq, tassungalu ilanngullugu angallatit 12-it tikillugit ilaasoqarnissamut akuerisat atorneqarnissaat tunisassatsialaassaaq, najugaqartunut takornarianullu, taamaalillunilu aamma nunat allat aningaasaannik pissarsinissamut iluaqutaasussaq!! Aamma sikorsuaqarnerata nalaa eqqarsaatigalugu.

Nassiussanik assartuussineq pillugu:

Danmarkimut Danmarkimiillu nassiussanik angallassisarneq pitsaanngilluinnarpoq, siulermik Nuummukaanegaartaramik, tassanilu umiarsuarmut allamut ikinegaartaramik, tassanngaanniillu Qeqertarsuup Tunuanukaanegaqqaarlutik Kalaallit Nunaata kujataanukaanegaqarlutik. Nassiussat taamatut angallanneqaraangamik qaammatip appaa avillugu ingerlaartarnerat takornartaanngilaq. Tamanna pissutigalugu suliffeqarfiit amerlanertigut isertitassatik annaaniarnagit timmisartukkut nassiussisarneq akisooq atortariaqartarpat.

Nassiussanik mikisunik, kiisalu paarnanik/naatitanik nioqqutissanillu nutaanik allanik nunaqarfinnut nassiussisarnermi najukkanik angallatit ilaasoqarnissamut akuerisat aningaasartuutikiffiunerusumik pisariaqartitsinerlu malillugu atorneqarsinnaapput.

Inussiarnersumik inuulluaqqusillunga

Jacky Simoud

Blue Ice explorer / www.blueice.gl / info@blueice.gl